

Na osnovu člana 18., tačke e) stava (1) člana 35. i člana 78. Zakona o predškolskom odgoju i obrazovanju („Službene novine Srednjobosanskog kantona“, broj 10/17) te tačke VII. Obaveznog programa za djecu u godini pred polazak u školu ako nisu obuhvaćena nekim programom predškolskog odgoja i obrazovanja („Službene novine Srednjobosanskog kantona“, broj 6/19), Ministarstvo obrazovanja, nauke, mladih, kulture i sporta Srednjobosanskog kantona upućuje

P O Z I V
roditeljima/starateljima djece obveznika predškolskog odgoja i obrazovanja
u Srednjobosanskom kantonu
za prijavu i upis djece u Program predškole

I.

Program predškole u 2023./2024. školskoj godini namijenjen je djeci koja će do 1. juna 2024. godine navršiti šest godina života i koja nisu pohađala neku od predškolskih ustanova u godini pred polazak u školu.

II.

Roditelj/staratelj koji ima dijete iz tačke I. ovog poziva dužan je prijaviti dijete u najbližu odgojno-obrazovnu ustanovu (**predškolsku ustanovu ili osnovnu školu**) u kojoj želi da njegovo dijete pohađa Program predškole.

III.

Za prijavu odnosno evidentiranje djeteta, koje će se obavljati u periodu **26. oktobra 2023. godine do 17. novembra 2023. godine**, nije potrebno prisustvo djeteta niti predočenje bilo kakve dokumentacije. Prijava djece u navedenom periodu obavljat će se u svim predškolskim i osnovnoškolskim odgojno-obrazovnim ustanovama na području Srednjobosanskog kantona.

IV.

Tokom 2023./2024. školske godine roditelj/staratelj dužan je odvesti dijete – polaznika neposredno pred početak pohađanja Programa predškole na ljekarski pregled u dom zdravlja s područja općine u kojoj imaju prebivalište. Ljekarski pregled obavezan je samo za polaznike koji će pohađati Program predškole u predškolskim ustanovama.

V.

O upisu djeteta u Program predškole (sa svom potrebnom dokumentacijom), kao i početku realizovanja toga programa roditelja/staratelja pravovremeno će obavijestiti odgojno-obrazovna ustanova u koju je prijavio dijete, a bit će obaviješteni i preko sredstava javnog informisanja.



MINISTAR

Bojan Domić

Broj: 03-34-1150/23-2
Travnik, 23. 10. 2023. godine